

Lekuona abizena ezaguna dute EGAN'en irakurleak. Bañan oraiñ aurkezten degun onek, gaur argitaratzen ditu lenengoz bere olerkiak, olerki benetan xamur'ak goxoak, oldozmen zakonekoak. Eusko-elerkiak asko itxaro du olerkari gazte onegandik

Or zaude Jesus aldarean

I

Etzegon an, ama!

Kun-kun, lo-lo, kun-kun
 Seaskan kunkuna.
 Lo-lo, zeñen eder!
 Umetxo kutuna.
 Kun-kun ixillean
 —Nork entzun lezaken!—
 Ama bat kantari
 Aurra lo-ar-azten:
 —Lo-lo enetxua,
 Lo naiz ni zurekiñ.
 Lo-lo, nere arrosa
 Negarrik ez egiñ.
 Bañan umetxua
 Aiñ itun zeguan
 Eta, zertarako
 Jarraitu kantuan?
 —Amatxo!
 —Zer?
 —Nola
 Eliz illunean
 Bizitzen dan Jesus?
 —Bai.
 —Ba arratsaldean
 Juan naiz... eta etzegon an.

Ta ori ikustean
 Jo diyot askotan
 Kutxatil atea.
 Bañan alperrikan.
 Etzegon an, ama!
 Zuk atzo esandako
 Jesutxo laztana...
 Erdi parramurritz
 Au entzundakuan
 Bere amak diotza:
 —Zer uste zenuan?
 An bizi da Jesus
 Beti giltzapean
 Eliz illuneko
 Kutxatil otzean.
 Danentzat pakia
 Zerutikan dakar
 Ez du itzik egiten
 Bakarrikan negar...
 Umea lo dago.
 Seaskan kunkuna
 Lo-lo zeñen eder!
 Umetxo kutuna...

II

Eliz bat

Eliz bat. Zein danik
 Ez diyo ajola.
 Eliz bat zar-zarra
 Urtiak dayola.
 Guazen barrenera.
 Argi dir-dirrean
 Umetxo bat dago
 Itzegin nayeana:
 —Zuk ez ote Jesus
 Izeba mojarik
 Paparo txuriko
 Sasi arrosarik?
 Neriak goxuak
 Bialiko dizkit.
 Zuretzat erdiyak.
 Ez egin negarrik!
 Illun-illun dago
 Eliz aldarea.
 Aurrean... mar-mari
 Umetxo maitea.
 —Amarik ez Jesus?
 Ez egin negarrik.
 Guazen gure etxera
 Neria emango nik!

Amak esan ziyon
 Bart oyeratzean
 An zegola Jesus
 Negar ixillean.
 Gero... nik ez nuben
 Izan ikusterik.
 Aur bat... aldaretik
 Ointxoak zintzillik.
 Jesus berbera zan,
 Ezin egon, ene!
 Gizonekin gizon
 Umeekin ume.
 Aurtxoak diyotza:
 —Jesutxo maitea,
 Gordeketan edo
 Ibilli gaitean.
 Beti gordeketan
 Ibilli bearra
 Umearen poza
 Jaunaren negarra!

 Astitxo batera:
 —Ai! Bañan nun ote
 Añ leku izkutuan

III

Ametsetan

Illun:
 Ixiltasun ta pakea.
 Gaba:
 Lo ederrean etxea.
 Gelan:
 Amatxorekin umea.

 Zeñen gauz ederrak
 Aurtxoak sor
 Barren begietan
 Irudikor.
 —Zu bai or... bai! aurrak
 Aingeru amets
 Zut-zutik oyea
 Parrez-parrez...
 Zutik goizaldeko
 Iruretan
 Jesus aurtxoakiñ
 Ametsetan.
 Amak esan diyo:

—Ene maite,
 Oso illun dago,
 Etzan zaite.
 Baiñan ezin esna
 Aingeru amets,
 Zut-zutik oitxoan
 Parrez-parrez.
 Norentzat umeak
 Biyotz irri?
 Noruntz besotxoak
 Zoragarri?
 Entzun. Ixillean
 Aur-abesti.
 Zerutar aurtxoak
 Aiñ ederki:
 —Or zaude Jesus
 Aldarean
 Gorde nai zaitut
 Biyotzean.

Amets-ametsetan
 Umetxua.
 Amak laztanduaz:
 Ai gaixua!